



SEKTOR ZA CARINE

Broj: 03/2-02-2-1847/11  
Banja Luka, 26.09.2011. godine

**REGIONALNIM CENTRIMA  
ODSJEKU ZA CARINE**

**Predmet: Izmjene i dopune Priloga II Uputstva o popunjavanju carinske prijave podnijete u pisanom obliku i korištenjem tehnike obrade podataka i zbirne prijave (IPA)**

Na osnovu člana 21. stav (2) Uputstva o popunjavanju carinske prijave u pisanom obliku i korištenjem tehnike obrade podataka i zbirne prijave, broj: 01-18-10122/05 od 20.12.2005., 01-18-1051-9/06 od 20.04.2006. i 01-02-86/07 od 04.01.2007. godine, a radi primjene člana 5. Instrukcije o postupku ostvarivanja carinskih i poreznih oslobođenja u skladu s Okvirnim sporazumom između Bosne i Hercegovine i Komisije Evropskih zajednica o pravilima saradnje koja se odnosi na finansijsku pomoć Bosni i Hercegovini u okviru pružanja pomoći putem instrumenta predpristupne pomoći (IPA), koja je objavljena u "Službenom glasniku BiH", broj 74/11 i stupa na snagu 27.09.2011. godine, u Prilogu II citiranog uputstva o popunjavanju carinske prijave vrše se izmjene i dopune kako slijedi:

1. U Prilogu II u tački C) Šifre za drugu potpodjelu polja 37 carinske prijave (Oslobođenja od plaćanja uvoznih dažbina na osnovu člana 176. Zakona o carinskoj politici BiH (ZoCP) i poreza na dodatu vrijednost na osnovu člana 26. Zakona o porezu na dodatu vrijednost (ZoPDV), pod 2), vrše se slijedeće izmjene i dopune:

**a) tekst šifre "210" mijenja se i glasi:**

"210" - Oslobođenje od plaćanja uvoznih dažbina i poreza na dodatu vrijednost u okviru IPA, prema članu 26. stav (2) tačka a) Okvirnog sporazuma, po potvrdi IPA DEU (potvrda ovjerena od strane Delegacije Evropske unije u Bosni i Hercegovini);

**b) dodaje se nova šifra "212" koja glasi:**

"212" - Oslobođenje od plaćanja uvoznih dažbina i poreza na dodatu vrijednost u okviru IPA, prema članu 26. stav (2) tačka a) Okvirnog sporazuma, po potvrdi IPA MFT (potvrda ovjerena od strane Ministarstva finansija i trezora BiH);

**c) šifra "211" ostaje ista i glasi:**

"211" - Oslobođenje od plaćanja uvoznih dažbina i poreza na dodatu vrijednost u okviru IPA, prema članu 26. stav (2) tačka d) Okvirnog sporazuma.

2. U Prilogu II, u tački D) Šifre vrste dokumenata, uvjerenja, dozvola, potvrda i drugo za polje 44 carinske prijave, vrši se izmjena i dopuna šifara kako slijedi:

**a) briše se šifra "IPA" - Potvrda za oslobođenje od plaćanja uvoznih dažbina i PDV- u okviru IPA pri uvozu robe (ova šifra se koristi u polju 44 carinske prijave kod uvoza robe u okviru IPA po članu 26. stav (2) tačka a) Okvirnog sporazuma i vezana je za prednje navedenu šifru "210" u drugoj potpodjeli polja 37);**

**b) dodaje se nova šifra "IPAD" koja glasi:**

"IPAD" - Potvrda za oslobođenje od plaćanja uvoznih dažbina i PDV u okviru IPA pri uvozu robe, ovjerena od strane Delegacije Evropske unije u Bosni i Hercegovini (IPA DEU) (ova šifra se koristi u polju 44 carinske prijave kod uvoza robe u okviru IPA po članu 26. stav (2) tačka a) Okvirnog sporazuma i vezana je za prednje navedenu šifru "210" u drugoj potpodjeli polja 37).

e)  **dodaje se nova šifra "IPAM" koja glasi:**

"IPAM"- Potvrda za oslobađanje od plaćanja uvoznih dažbina i PDV u okviru IPA pri uvozu robe, ovjerena od strane Ministarstva finansija i trezora BiH (IPA MFT) (ova šifra se koristi u polju 44 carinske prijave kod uvoza robe u okviru IPA po članu 26. stav (2) tačka a) Okvirnog sporazuma i vezana je za prednje navedenu šifru "212" u drugoj potpodjeli polja 37);

f)  **tekst šifre "IPA1" mijenja se i glasi:**

"IPA1" - Potvrda izdata od Delegacije Evropske komisije u BiH (DEU) kojom se potvrđuje da je korisnik navedenog oslobađanja angažovan za obavljanje poslova definisanih ugovorom o tehničkoj saradnji u okviru IPA (ova šifra se koristi u polju 44 carinske prijave kod uvoza robe u okviru IPA po članu 26. stav (2) tačka d) Okvirnog sporazuma i vezana je za prednje navedenu šifru "211" u drugoj potpodjeli polja 37).

Sektor za informacione tehnologije će izvršiti odgovarajuće tehničke pripreme u informacionom programu ASYCUDA neohodne za primjenu prednje navedenih izmjena i dopuna u carinskom postupku, **sa početkom primjene od 27.09.2011. godine kada stupa na snagu prednje navedena Instrukcija.**

O prednjem, radi primjene, u obavezi ste upoznati vaše organizacione jedinice, a na pogodan način i učesnike u carinskom postupku.

Dostaviti:

1. Naslovu, 4x
2. Kabinetu direktora
3. Sektorima i Odjeljenjima u SU
4. WEB stranica UIO
5. a/a

**POMOĆNIK DIREKTORA ZA  
SEKTOR ZA CARINE**

**ZDRAVKO CVJETINOVIĆ**